

յարիցէ 'ի վերայ մեր որում ստանայցէ աւար, և կամ կողոպտիցէ, եթէ գաւառն և կամ աշխարհն այն ազատապէս ջատագովելով անկանելով 'ի բերանոյ սրոյ մինչև եօթն այրս և ոչ կարացէ զերծուցանել զինչս իւրեանց և թշնամին աւարս յարիցէ, կորուստն ընչից գաւառին յայնմիկ հատուցէ տունն հայոց առ կորուսանողն իբր հատուցեալ պարտս իւր:

Գ Լ Ո Ւ Ն Ք Լ Ը.

Ամենայն ոք բնակեալ 'ի յերեսս երկրին և հովանաւորութեամբն տանն հայոց եթէ անկանիցի ձեռս թշնամեաց զերի' տունն հայոց պարտաւոր է փրկել նմայ և դարձուցանել 'ի տուն, և 'ի բնակութիւնս իւր:

Գ Լ Ո Ւ Ն Ք Լ Թ.

Ամենայն արհեստաւոր թղթաշինութեան պարտ է յօրինել չափաւոր թուղթ և գերազանց և պատուականագոյն քան զամենայն թուղթ, նշանաւ 'ի մէջ թղթոյն գառն մի դրօշակաւ և թուաւ տարոյն, միայն վասն տանն հայոց այնքան որ հարկեսցի տանն և իշխանութեան հայոց ստանալով զին թղթին իւրոյ: